

NATVRÆ ad sapientiam comparatæ indolem exploranti mihi, tanquam Deus è machina, commodum occurris (Vir Illustrissime) illustre in principe schola controuersie daturus argumentum. Quid enim tuo felicius patrocinio mihi in votis esse potuit, cuius fidem ij solum nesciuerunt qui non implorauerunt. Atque is est heroica virtutis melior genius, qui erecta mentis vigore, fortune iniquius resistentis impetus ultimos te docuit exarmare, ut ipse qui generosa in res patrie laborantis studia promouit, quæ tibi deuinctis bonorum animis, improborum flagitiosa consilia feliciter dissipauerunt. Hinc te in hoc dignitatis apice constitutum, illi reuerentur, hi metunt, nihilque cuncti suscipiunt præter animum recti, & æqui consilium. Istam igitur præsidij fiduciam indulgebis (Vir Spectatissime) regnique licet negotijs ingentibus distractus, paucis ab eo interpellari te sustinebis, qui de tua salute suæ fide alijs commissa, etiamnum sollicitus & anxius suo iam voto grauius laborat.

Tuus ex animo & pifca obsequij fide ROMANVS PARIGAVLT.

QVÆSTIO MEDICA.

QVOD LIBETARIIS DISPV TATIONIBVS MANE DISCV TIENDA

IN SCHOLIS MEDICORVM, DIE IOVIS, XIX. DECEMBRIS,

M. FRANCISCO LOPES, Doctore Medico, Præside.

An præmature senectutis index præcox sapientia?

TAM arcta est animæ cum corpore colligatio, tam consentiens societas, ut quamquam diuinæ sit particeps naturæ, & aliquid supra mortale sapiat, sui tamen quodammodo juris non sit in hoc ergastulo conclusa, variè tornato corpori ita addicta sit, ut hinc sint prima pathematum elementa, quibus plerumque ita rapimur, ut vix dominam agnoueris. Hinc non tantum sese prodit certis quibusdam Capitis figuris vniuersi cuiusque indoles, sed & efformatur. Fallitur quilibet hominum mores colligit ex obscura partis alicuius cum brutis similitudine, ludit sæpe in ductili semine vis formatrix, nec ex leui errore astimandum illius opus, sed circumspectenda est vniuersi structura. Operam perdes si te hominem nosse credas dum illius tempericem nescis, hæc ut aliud atque aliud corpus efficit, ita & hominem: vinum quantumvis generosum, ex obducta situ lagena, aliquid labis contrahit, & saporem vitiosum retinet ex olido ac mucido dolio; ita cælestis hæc forma, à domicilij sui labe tota sese expedire nequit, adeo geminatis viribus conformatio & temperies animum dura tyrannide ferè in seruitutem abijciunt.

N E C ideo putes ita corpori mancipio datam animam, ut sese nusquam ab iniquo vindicet imperio, suum sæpe ius retinet, nec impari dominatu corpus ad arbitrium mouet, versat, & immutat, hoc modo ita accendit, ad tabem cogit inuidia, mox vrit amore, nunc mæore contrahit, aut explicat gaudium, nequidquam reluctante temperie: pituitosos quibus tanquam suisbus anima ad condimentum data videtur, excitat nonnumquam & acuit: sanguineos & voluptatibus natos, reddit lumis laboribus pares, temperat biliosos & frangat, melancholicos ad jocos & sales allicit, sed momentanea tyrannidis illa est, & redit tandem sua cuique indoles, aut dum anima temperiem sæpius vincit, immutat. En Socratem aduersis dijs genitum, quem naturæ impetus ad praua rapiebat, hunc etiam ex oraculi fide probandum vis animi reddidit: vicit ingenium in plerisque balbutientis linguæ scabritiem, & suspiciendos dedit, quos immitte Theatrum nusquam non sibilo exploserat: nec mirum si tot fluctus in homine fusciter, aut compescat ingenium, quod etiam artem nouit leones cicurandi: hæc sunt quæ mores nostros moderantur, non impotens astrorum cursus, ex his fata nostra pendunt, non ex longiis ductis in manu linceis, ita tamen ut alterum alterius legibus teneatur, sibi que mutuo morem gerant & imperent.

V I T A non homini longissima, viuaciora pleraque animalia, quæ tamen omnia ille solertia vincit & domat, seu beneficium naturæ sit tot mala citius effugere, seu malignitas, quod tam velociter dati nobis temporis spatia decurrant, hominem enim ad tam magna genitum in ipso vitæ apparatu vita destituit, quæ coruo nihil profutura tamdiu concessa est: hæc certis ætatibus determinatur, ætates tacito caloris natui lapsu, & certa temperamenti vicissitudine: humido abundant pueri, iuuenes calore luxuriant, consistens ætas doctrinæ gratia excogitata est, cum calor & nescis nusquam consistat, seniles annos remissus & temperatus calor excipit, humidum tenuius, defæciatus, nec exuperans: Sui sunt cuique ætati mores, sua tempestiuitas, non dedecet pueros nugæ, non credulitas & admiratio, nec indecora iuuenum ambitio, non gloriæ aut laudum cupiditas, nec proflus dampnandi animi impetus quibus impotentius efferuntur at senum propria est prudentia, sapientia, bona mens.

I N hoc tam concordia vtriusque regimine hæc subest grauis & latens inimicitia, quod de fatiscientis corporis ruinis, & imminenti huius tam artificiosæ structuræ lapsu veluti triumphans anima tunc perfectius sua obeat munia, cum illius languere incipiunt functiones, hinc prudentes senes, non tantum quia antea vitæ discriminebus doctiores, sed quia vergentis ætatis temperiem amat sapientia, non enim huic nati sunt pueritiæ aut adolescentiæ anni, cum vix in tanta humidi scaturientis fuligine calor natiuus splendeat, vixque aliud sit & quædam, quam ipsa rationis spes: Sed nec rapida & præseruida iuuentus ob citatiorem caloris motum & palantes spirituum circuitus, quæ consistens ætas dicitur, quo senectuti propior, propior & sapientiæ, ut illa & & humido gaudet tenui nec luxuriante, huius enim crassitie hebetatur mentis acies, obruitur copia, hac temperatione præ cæteris fruitur viridis senectæ, quæ longè ab impetu iuuentutis femota, nondum deficientis caloris segnitie languescit, neque enim vietam illam ætatem intelligo in pænam tantum aut dementia viuacem, quæ melius vitæ cinis quidam, & intermortuæ reliquiæ, quam pars vitæ censetur.

S I idem ergo temperamentum ad sapientiam ducat, quod & ad senectutem, quid mirum si festinata prudentia comitem senectam indicet, cum enim hominem natura ingenij solertia & acumine exornauit, velut ad pœnitentiam redeat inuida, spes tantas festinato fato præcepit, nec homini tantum infida, animalia quæ prudentiora sunt, apes & formicæ, eo breuiori vita fruuntur, appetit finis ubi incrementa consumpta sunt, & cum ultra sapientiam desit quod adipiscamur, deficiamus: quo celerius ad summum peruentum est, eo rapidius ab eo decurritur. Sic & quæ spectatissimæ adolescunt arbores, ciuentia marcescunt, nec durabilior est sequior sexus qui festinatius perficitur: Ignis quo clarior fulsit, citius exstinguitur, viuacior est qui fumo demersus ex sordido lucet: Serotini fructus diutius asseruantur, præcoces statim vietæ ac flaccidi purefunt: multa in lacu dura sint & austera, sic vetustate proficiunt, & annos ferunt: adeo rata est & constans rerum omnium lex, in firmis ea niti principijs quæ statim vigent.

Ergo præmature senectutis index præcox sapientia.

DOMINI DOCTORES DISPV TATVR I.

M. Ioannes Garbe.
M. Paulus Courtois, Decanus.
M. Petrus Moriau.

M. Guillelmus Petit.
M. Ioannes le Preuost.
M. Ioannes Confin.

M. Gilbertus Paylon.
M. Hugo Challes.
M. Ioannes Vacherot.



Proponebat Lutetiæ ROMANVS PARIGAVLT Meldensis, A. R. S. H. M. DC. LII.